

UPUTE ZA RODITELJE ZA POSTUPANJE TOKOM ORGANIZACIJE I RADA ŠKOLE ZA VRIJEME TRAJANJA PANDEMIJE NOVOG KORONAVIRUSA (SARS-CoV-2) I OBOLJENJA KOJE ON UZROKUJE COVID-19

1. Redovna nastava organizovaće se za predmetnu nastavu u srednjoj školi za sve razrede (od I do IV razreda), te za praktičnu nastavu za srednje škole.
2. Učenici koji pripadaju ranjivim skupinama ili sa hroničnom oboljenjima, mogu po zahtjevu roditelja ostati kod kuće i za njih će se organizirati nastava na daljinu.
3. Školski čas traje 30 minuta, a dnevno opterećenje nastavom najviše do 5 časova u predmetnoj nastavi u srednjoj školi. Ukida se veliki odmor, a za vrijeme malog odmora (5 minuta) učenici uglavnom ostaju u učionici.
4. Zbog kratkog nastavnog časa učenici su dužni redovno pratiti online platforme zbog materijala koji će nastavnici redovno ostavljati za svoj predmet
5. Kako bi ispoštovali pedagoška pravila na kojima se temelji ova Uputa sve odgojno-obrazovne ustanove dužne su učiniti školsko okruženje maksimalno sigurnima za sve učenike, nastavnike i ostalo školsko osoblje. Sigurno okruženje, zahtijeva određene restriktivne mjere, maksimalnu odgovornost rukovodstava škole, nastavnika, kao i prihvaćanje, poštivanje i razumijevanje od strane učenika i njihovih roditelja te obveznu prilagodbu organizacijske izvedbe nastavnog procesa za svaku školu u skladu s raspoloživim prostorno-materijalnim uvjetima.
6. Roditelji su obvezni prije upućivanja djeteta u školu napraviti procjenu zdravstvenog stanja svoga djeteta (povišena tjelesna temperatura, osjećaj malaksalosti, kašalj, curenje nosa i sl.) i isto evidentirati u propisani obrazac, koji će biti dostupan roditeljima za pružanje na web stranici škole. Roditelji/staratelji imaju obavezu izmjeriti tjelesnu temperaturu djetetu svaki dan prije dolaska u ustanovu, te vrijednost izmjerene temperature upisati u za to namijenjenu "ček-listu", u kojoj će biti pregled svih izmjerenih vrijednosti tjelesne temperature i drugih bitnih parametara. Stariji učenici također trebaju mjeriti tjelesnu temperaturu kod kuće i vrijednosti upisivati u za to namijenjenu "ček listu".
7. Učenici su dužni nositi maske sve vrijeme boravka u prostorijama škole, osim za vrijeme časa kada sjede u klupi, gdje svaki učenik sjedi sam.

8. Roditelji ne mogu dolaziti u prostorije škole osim u iznimnim slučajevima, te se roditeljski sastanci neće održavati u prostorijama škole u grupama do daljnjeg, već se isti organizuju putem online platformi za komunikaciju.

9. Do daljnjeg je zabranjen ulazak trećim licima u prostorije škole. Iznimno od ovoga, u ustanovu može ući roditelj ili druga osoba u pratnji, kada dovodi i odvodi učenika s teškoćama u razvoju, posebno ako zdravstveno stanje učenika to zahtijeva te ako učenik s teškoćama u razvoju nema osiguranu podršku pomoćnika u nastavi ili stručnog komunikacijskog posrednika koji umjesto roditelja uvodi učenika u ustanovu.

10. Roditelj ili druga osoba u pratnji učenika ulazi u školu na način da održava razmak od najmanje 1,5 m a po mogućnosti 2 m u odnosu na sve druge osobe, dezinficira ruke na ulazu te izbjegava zadržavanje i grupiranje u ustanovi. Malo duže zadržavanje (oko 15 minuta) moguće je samo kod prilagodbe učenika na novu sredinu na početku uključivanja u ustanovu. Međusobni razmak ne trebaju držati osobe iz istog kućanstva. U pratnji učenika uvijek je samo jedna odrasla osoba. Roditelj ili druga osoba u pratnji učenika obavezno u ustanovi nosi masku te bez maske ne može ući u ustanovu već učenika preuzima djelatnik ispred ulaza u ustanovu.

11. Sve osobe koje ulaze u prostor ustanove (osim učenika i zaposlenika) na ulazu prije ulaska trebaju ispuniti odgovarajući epidemiološki upitnik koji će biti dostupan na ulazu škole. Izvršiće se i mjerenje temperature beskontaktnim toplomjerom, ukoliko za to postoje mogućnosti. Ukoliko je krajnje neophodan ulazak osobe u prostorije ustanove, isti će se obaviti uz maksimalne mjere predostrožnosti. U prostorije ustanove ući će samo jedna osoba u jednom trenutku. Posjetitelj će kontaktirati samo sa jednom osobom koja treba da mu pruži uslugu, i to na udaljenosti od dva metra i po mogućnosti u hodniku a ne u kancelarijama, te nikako u prostorima u kojima borave učenici.

12. U slučaju povišene tjelesne temperature roditelji/staratelji ne smiju dovesti ili poslati dijete u školu. Roditelji, učenici i zaposlenici ne dolaze u odgojno-obrazovnu ustanovu, već se svi javljaju telefonom školi (učitelju, razredniku, ili drugoj zaduženoj osobi, neposrednom rukovodiocu) i izabranom ljekaru porodične/obiteljske medicine radi odluke o testiranju i liječenju. Ako učenici razviju simptome COVID-19 infekcije tokom boravka u ustanovi, učitelj, razrednik, pedagog ili drugi nadležni zaposlenik odmah obavještavaju roditelje, koji u najkraćem mogućem roku moraju doći po dijete, te poštovati sve mjere zaštite (maska, fizička udaljenost, pranje i dezinfekcija ruku). Za vrijeme čekanja roditelja da dođe po učenika, učenik je smješten u prostoriju za izolaciju, i pod nadzorom je razrednika, pedagoga ili dežurnog profesora.

13. Roditelji su dužni poticati fizičku udaljenost, te sugerirati da se učenici ne zadržavaju u većim ili manjim grupama, da vrše pojačanu higijenu ruku i upotrebu dezinficijensa, prije ulaska u učionicu, prije i nakon jela, prije i nakon toaleta, a da iste osuše suhim papirnatim jednokratnim ručnikom koji se poslije baca. Također, dezinficijense ne treba koristiti više od

dva do tri puta dnevno i to oni učenici kod kojih se nije javljala nikakva reakcija na koži uslijed upotrebe istih. Oni učenici čiji roditelji potvrde da imaju bilo kakve promjene na koži uslijed upotrebe dezificijenas, nisu dužni koristiti dezificijense ali su dužni češće prati ruke sapunom i vodom. Dez – barijere koje su postavljene na ulazu u školu ne smiju se zaobilaziti niti preskakati, već svi učenici i uposlenici koji ulaze u prostorije škole, a i roditelji po potrebi, moraju preći preko dez-barijere za koju će na ulazu biti postravljene upute kako se ispravno dez-barijera koristi.

14. Od roditelja se očekuje odgovorno i savjesno ponašanje jer roditelji su jedni od glavnih aktera u procesu odgoja i obrazovanja.

15. U suradnji i komunikaciji sa razrednicima roditelji će dobiti dodatne upute blagovremeno a sve za dobrobit učenika i što bolju organizaciju ove školske godine, sa naglaskom na komunikaciju u slučaju da učenik izostane sa nastave da se razrednik što prije obavijesti o razlozima izostanka.

DIREKTORICA:

Mehridžana Alibašić, mr.sci